



越城縣廣勝寺

佛說聖法印經

天生者阿迦摩摩文首

若

西晉月氏國三藏生法護譯

聞如是一時佛在舍衛國祇樹給孤獨園是時佛告諸比丘聽諸比丘唯諾受教佛言當為汝說聖法印所應威儀現清淨行諦聽善思念之佛言比丘假使有人說不末空不用無相欲使與發至不自大禪定之業未之有也設使有人慕樂空法志在無想與發至要消除自大憍慢之心禪定之業此可致矣如道願普有所見所以者何慕樂於空欲得無想無憍自大見於惠業皆可致矣何謂比丘聖法印者其聖法印所可更習至清淨見假使比丘處於閑居若坐樹下空閑之處解色無常見色本无已解無常解至空無皆為恍惚无我無欲心則休息自然清淨而得解脫是名曰空尚未得捨憍慢自大禪定清淨所見業也雖亦得致柔順之定即時輒見除諸色想聲想香想以故謂言至於无想故曰無欲尚未得消自大

佛說聖法印經 第三張 若字

憍慢至於禪定清淨見也其心續存柔順之定彼則見除所有貪婬瞋恚愚癡是故名曰無欲之定尚未得除自大憍慢至於禪定清淨見也心自念言吾我起滅從何所興思惟解知其吾我者所因習味分別諸識皆從因緣而致此業從是因緣致有神識復自念言此諸因緣為有常乎為無常耶復自念言因緣所合致神識者此皆無常无有根本此神識者依倚無常而有妄想故有緣起十二因也皆歸於盡无常苦空毀壞別離欲滅盡曉了是者乃知無本得至降伏消一切起得入道行是乃逮致除於自大無憍放逸禪定之業現清淨行是則名由聖法印清淨之業從始至終究竟本末佛說如是諸比丘聞莫不歡喜作禮而去

元康四年十二月二十五日月支菩薩沙門曇法護於酒泉演出此經弟子竺法首筆受令此深法普流十方大衆常光

佛說聖法印經

佛說聖法印經

莫正張

若字号

佛說聖法印經

校勘記

- 一 底本，金藏廣勝寺本。
- 一 三一二頁中一行夾註「天竺名阿遮曼摩文品」，**資**、**磧**、**南**置於二行末字「譯」下。
- 一 三一二頁中二行「月氏國」，**石**、**資**、**磧**、**南**、**徑**、**清**無。
- 一 三一二頁中四行「聽諸比丘」，**石**無。
- 一 三一二頁中七行「無相」，**資**、**磧**、**南**、**徑**、**清**、**麗**作「無想」。
- 一 三一二頁中八行及一〇行「與發」，**石**、**資**、**磧**、**南**、**徑**、**清**、**麗**作「與發」。
- 一 三一二頁中九行「悉在」，**石**、**資**、**磧**、**南**、**徑**、**清**、**麗**作「志在」。
- 一 三一二頁下一二行「別離」，**資**、**磧**、**南**、**徑**、**清**、**麗**作「別離離」。
- 一 三一二頁下一六行「名由」，**石**、**資**、**磧**、**南**、**徑**、**清**作「名曰」；**麗**作「名曰由」。

- 一 三一二頁下一九行至末行附記「元康四年……大乘常光」，**石**、**資**、**磧**、**南**、**徑**、**清**無；**麗**置於次頁上一行經名後。
- 一 三一二頁上一行經名，**石**作「聖法印經一卷」。